



**TATA IBADAH PARTONGGOAN KELUARGA  
GKPS PADANG BULAN - RESORT POLONIA**

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>



**Suhut : SEKSI WANITA**

**Parambilan:** Pdt. Elizabet Florentina Purba, M.Th., **Paragenda:** St. Martina Girsang; **Doding:** St. Linda Purba; **Tonggo Syafaat:** Rostiana Saragih, **Padalan Galangan:** Sy. Sri Wahyuni Purba, **Singer:** Friska Sipayung, Elfrida Ani Napitu, Anny Rosita Purba, **Pemusik:** Silvi Damanik  
**Panorang:** Jumat, 26 Juni 2020

**1. VOTUM-INTROITUS-TONGGO**

**P:** Ibagas goran ni Naibata Bapa, pakon Tuhan Jesus Kristus, ampa Tonduy Napansing, Sitompa langit pakon tanoh on. Amen.

Gugun ma hata ni Kristus marianan itongah-tongahnasiam; marhasoman gok hapentaron ma nasiam marsiajaran anjaha marsipaingatan marhitei doding Psalm, doding puji-pujian ampa doding partonduyon; dodingkon nasiam ma Naibata ibagas uhurnasiam maruhur tarima kasih. Haleluya!

**Martonggo ma hita:** Ham Tuhan Naibata na i nagori atas, roh do hanami panorang on hulobei-Mu ibagas sihol ni uhur marparsaoran hu-Bamu. Na mangindo do hanami nuan, marianan ma Ham i tongah-tongah nami, marhiteihon Tonduy-Mu Napansing in. Ungkab Ham ma hauhuronnami bei, ase tongtong sirsir hanami manjalo janah mamparimbangaskon hata-Mu na gabe hagoluhannami. Amen.

**2. Mandoding 404. Ganup Ari do in (1+2)**

1. Ganup ari do in, ronsi tahun hu tahun, Sihol do hudodingkon Goran mu.  
Ham Tuhan Naibata, sai hupuji do Ham, halani haganup layak-Mu.  
Ham arta naharga, poltik hujolom in, humbani nahinan Ham do tong Naibatangkin.  
Bonani na dear, ronsi sadokah nin.  
Panondang na liar, bai ganup nagolap in.

2. Hatamu do Tuhan, hupindahi nuan, bahen suluh bai pardalankin.  
Pitah Ham dansa in, na mambotoh ijin, Aha na huporluhon Tuhan.  
Ham arta naharga, poltik hujolom in, humbani nahinan Ham do tong Naibatangkin.  
Bonani na dear, ronsi sadokah nin.  
Panondang na liar, bai ganup nagolap in.

**3. MAMBASA PARMAHAN NAMADEAR**

**4. Mandoding KUCINTA KELUARGA TUHAN**

Kucinta kluarga Tuhan,  
terjaln mesra sekali  
semua saling mengasihi  
betapa snang kumenjadi  
kluarganya  
Tuhan.

Kukasihi kau dgn kasih Tuhan 2x  
Kulihat di wajahmu kemuliaan Raja  
Ku kasihi kau dengan kasih Tuhan

5. **P:** Mambasa teks ambilan Minggu : **Kolosse 3:18-21** (Sesudah selesai dibacakan, Paragenda mengucapkan: Martuah do na manangar Hata ni Naibata anjaha na marimbagashonsi.)

**P +K :** Amen.

**6. Mandoding 103. Martuah do Hasoman Na Sajabu (3+4)**

3. Martuah na satangga pangajari, bai dakdanakni ase tong bujur Na so marparontian mamodahi, lao manonggohon haganup bujur Hubani Jesus ase tong Tuhanni, ma masu-masu haganupan in Janah ibere holong ni ateiNi, mambobanhonsi hu lambung-Ni in.

4. Martuah do ganupan na sajabu, na malas uhur tong ibagas Ham. O Jesus, na rosuh mamasu-masu parholong atei in ibagas Ham. Martuah ma tongon ganup sidea, age mardondon hasunsahan pe; Ao sai iapoh ham tongtong sidea, ronsi itogu Ham hu rumah-Mu.

**7. AMBILAN: Doding ni Doding 8 :5-7**

**8. MANDODING 105. Hanami Na Satangga on (1-2)**

1. Hanami na satangga on, ilobei-Mu, o Jesuskin  
Ham ihutkonon nami  
Ham ma ompungni hanai on, sadokah na marhosah in,  
sai pasu Ham hanami  
Ham ma Raja, ihutonkon pangguruan sisungkunan  
Tong bai Hata-Mu, o Tuhan

2. Sai pasu-pasu hanai bei, Ham pasirsirhon bohal pe,  
padaoh Ham hasombuhon  
Horasi Ham angkula in, sai tuk ma baen Ham gogohni  
sai tahan bani horja  
Tolong, tolong, ase tong martenger uhurlah hanami  
Ham ma Tuhan mangidopi

**9. TONGGO SYAFAAT**

**10. MANDODING 434. Tangihon ma Ganupan Podah! (1+3+4+5) (Patupu Galangan)**

1. Tangihon ma ganupan podah!  
Ambilan na maronjolan hata-Ni Tuhan,  
na songon ruhut bani partongah jabuon.  
Tangihon ma ganup podah!

3. Totap sahur sapanriah.  
Ai do tandani na dob marsihaholongan,  
sipambalosi domu bai rosuh ni Tuhan.  
Totap sahur sapanriah.

4. Kuria in do gabe saksi.  
Napinadomu ni Tuhanta seng boi sirang,  
ai anggo lang na sinirang ni hamateian.  
Kuria in do gabe saksi.

5. Gabe gareja etek-etek.  
Rumah tangga ni Kristen na tarpasu-pasu,  
sirsir marhorja mangidangi Tuhan Jesus.  
Gabe gareja etek-etek.

**11. TONGGO GALANGAN – TONGGO PENUTUP**

**P.** : Martonggo ma hita mangondoskon galanganta bani Naibata  
Ham Tuhan Naibata, Bapanami, Ham do na dob mambere haganup na porlu  
bani goluh nami. On pe, na roh do hanami huBamu martarimakasih anjaha  
mangkamalaskon hata-Mu na dob ijalo hanami. Jalo ham ma hanami ampa  
galangan na niondoskon nami, na gabe hataridahan ni tarimakasih nami hu-  
Bamu. pasu-pasu ham galangan nami on gabe hadearon ni horja itongah-  
tongah ni kuria-Mu. Sai tambahi ham pasu-pasu-Mu, ase lambin margogoh  
hanami mangkorjahon horja na madear. Ibagas goran ni anak-Mu Jesus  
Kristus, Tuhan janah Sipagoluh hanami. Amen

Riap ma hita martonggo marhitei tonggo na niajarhon ni Tuhan Jesus  
Kristus hubanta! ***Ham Bapanami na i nagori atas. ....Amen***

Ham Bapanami na i nagori atas, sai na papansing ma goran-Mu. Sai roh ma  
harajaon-Mu. Sai saud ma harusuh ni uhur-Mu i nagori tongah on songon na  
i nagori atas. Bere Ham ma bannami sadari on hagoluhan ari-ari. Sasap Ham  
ma dousanami songon panasapnami bani dousa ni hasoman na mardousa  
dompok hanami, Ulang hanami bobai Ham hu parlanjouan. Paluah Ham ma  
hanami humbani pangangou! Ai ham do simada harajaon, pakon  
hagogohon, ampa hasangapon, sadokah ni dokahni. Amen.

**P.** : Jalo hita ma pasu-pasu humbani Tuhan Naibata

Idop ni uhur ni Tuhanta Jesus Kristus, pakon holong ni ateini Naibata Bapa,  
ampa parsauran ni Tonduy Napansing ma mangkasomani hita haganupan.  
Amen

**K. :** **Diate tupa ma, bamu Ham Naibata**  
**Ham Bapa na i Surga, diate tupa ma**  
**Amen... (mandodingkon)**